

大唐西域記卷第十一

此号八卷

三歲法師玄奘奉

詔譯

大總持寺沙門辯機

撰

二十三國

僧伽羅國雖非印度之國路次附出

恭建那補羅國

摩訶刺侘國

跋綠羯呴昌業婆婆國

疑三

摩臘婆國

契吒國

阿吒釐國

伐臘毗國

蘇刺侘國

鄖闍衍那國

瞿折羅國

摩醯濕伐羅補羅國

茂羅三部盧國

鉢伐多國

狼揭羅國

阿黠婆翅羅國

波刺斯國雖非印度之國路次附出

臂多勢羅國

伐刺擊國

僧伽羅國周七千餘里國大都城周四十餘

里土地沃壤氣序溫暑稼穡時播花果具繁人戶殷盛家產富饒其形卑黑其性獷烈好學尚德崇善勤福此國本寶諸也多有珍寶樓止鬼神其後南印度有一國王文娉隣國吉日送歸路逢師子侍衛之徒棄女逃難女在舉中心甘喪命時師子王負女而去入深山處幽谷捕鹿採果以時資給既積歲月遂孕男女形貌同人性種畜也男漸長大力格猛獸年方弱冠人智斯發請其母曰我何謂乎父則野獸母乃是人既非族類如何配偶母乃述昔事以告其子子曰人畜殊途宜速逃避母曰我先已逃不能自濟其子於後遂

師子父登山踰嶺察其迹止可以逃難伺父去已遂擔負母妹下趨人里母曰宜各慎密勿說事源人或知聞輕鄙我等於是至父本國國非家族宗紀已滅投寄邑人人謂之曰爾曹何國人也曰我本此國流離異域子母相攜來歸故里人皆哀愍更共資給其師子

王還無所見追戀男女憤恚既發便出山谷往來村邑咆哮震吼暴害人物殘毒生類邑人輒出遂取而殺擊鼓吹貝負弩持矛鋸從成旅然後免害其王懼仁化之不洽也乃縱獵者期於擒獲王躬率四兵衆以萬計掩薄林藪彌跨山谷師子震吼人畜辟易既不擒

疑三

二

獲尋復招募其有擒執師子除國患者當酬重賞式旌茂績其牛聞王之令乃謂母曰無寒已甚宜可應募或有所得以相撫育母曰言不可若是彼雖畜也猶謂父焉豈以艱辛而興逆害子曰人畜異類禮義安在既以違阻此心何冀乃袖小刀出應招募是時千衆

易動除民之害其功大矣斷父之命其心逆失重賞以酬其功遠放以誅其逐則國典不虧王言不貳於是柴二大船多儲糧糗母留在國周給賞功牛女各從一舟隨波飄蕩其男船泛海至此寶渚見豐珍玉便於中止其後商人採寶復至渚中乃殺其商主留其子

女如是繁息子孫衆多遂立君臣以位上下建都築邑據有疆域以其先祖擒執師子因舉元功而爲國号其女船者泛至波刺西神鬼所魅產育群女故今西大女國是也故師子國人形貌卑黑方頤大頬情性獷烈安忍鴉毒斯亦猛獸遺種故其人多勇健斯一說也

三

佛法所記則曰昔此寶洲大鐵城中五百羅刹女之所居也城樓之上豎二高幢表吉凶之相有吉事吉幢動有凶事凶幢動恒伺商利震之以威福然後具陳始末備述情事王曰逆哉父而尚害況非親乎畜種難馴凶情迎慰問誘入鐵城樂譟歡會已而置鐵牢中

漸取食之時瞻部洲有大商主僧伽者其子
字僧伽羅父旣年老代知家務與五百商人
入海採寶風波飄蕩遇至寶洲時羅刹女望
吉幢動便賣香花鼓奏音樂相攜迎候誘入
鐵城商主於是對羅刹女王歡娛樂會自餘
商侶各相配合彌歷歲時皆生一子諸羅刹

女情疏故人欲幽之鐵牢更伺商侶時僧伽
羅夜感惡夢知非吉祥竊求歸路遇至鐵牢
乃聞悲號之聲遂昇高樹問曰誰相拘繫而
此怨傷曰亦不知耶城中諸女並是羅刹昔
誘我曹入城娛樂君旣將至幽牢我曹漸充
所食今已太半君等不久亦遭此禍僧伽羅

曰當圖何計可免危難對曰我聞海濱有一
天馬至誠祈請必相濟渡僧伽羅聞已竊告
商侶共望海濱專精求救是時天馬來告人
曰余輩各執我毛髮不迴顧者我濟汝曹越
海免難至瞻部洲吉達鄉國諸商人奉指告
專一無貳執其髮天馬乃騰驤雲路越濟

海岸諸羅刹女忽覺夫逃遁相告語異其所
去各攜稚子凌虛往來知諸商人將出海濱
遂相召命飛行遠訪嘗未踰時遇諸商侶悲
喜俱至涕淚交流各掩泣而言曰我惟感遇
幸會良人室家有慶恩愛已久而今遠棄妻
子孤遺悠悠此心誰其能忍幸願留顧相與
還城商人之心未肯迴慮諸羅刹女策說無
功遂縱妖媚備行矯惑商侶愛戀情難堪忍
心疑去留身皆退墮羅刹諸女更相拜賀與
彼商人攜持而去僧伽羅者智慧深固心無
滯累得越大海免斯危難時羅刹女王空還
鐵城諸女謂曰汝無智略爲夫所棄既寡藝

四

能宜勿居此時羅刹女王持所生子飛至僧
伽羅前縱極媚惑誘請令還僧伽羅口誦神
呪手揮利劍叱而告曰汝是羅刹我乃是人
人鬼異路非其匹合苦苦相逼當斷汝命羅
刹女知誘惑之不遂也凌虛而去至僧伽羅
家謂其父僧伽曰我是某國王女僧伽羅娶

我爲妻生一子矣賣持寶貨來還鄉國泛海遭風舟穢漂沒唯我子母及僧伽羅僅而獲濟山川道阻凍餒艱辛一言忤意遂見棄遺誓言不遜罵爲羅刹歸則家國遠止則孤遺羈旅進退無依敢陳情事僧伽曰誠如所言宜時即入室居未久僧伽羅至父謂之曰何重財寶而輕妻子僧伽羅曰此羅刹女也則以先事具白父母而親宗戚屬咸事驅逐時羅刹女遂以訴王王欲罪僧伽羅僧伽羅曰羅刹之女情多妖惑王以爲不誠也而情悅其淑美謂僧伽羅曰必棄此女令留後宮僧伽羅曰恐爲災禍斯旣羅刹食唯血肉王不聽僧伽羅之言遂納爲妻其後夜分飛還寶渚召餘五百羅刹鬼女共至王宮以毒呪術殘害宮中凡諸人畜食肉飲血持其餘屍還歸寶渚旦日群臣朝集王門閉而不開候聽久之不聞人語於是排其戶闢其門相從趨進遂至宮庭聞其無人唯有骸骨群官僚

卷一

五

佐相顧失圖悲號慟哭莫測禍源僧伽羅具告始末臣庶信然禍自招矣於是國輔老臣群官宿將歷問明德推據崇高咸仰僧伽羅之福智也乃相議曰夫君人者豈苟且哉先資福智次體明哲非福智無以享寶位非明哲何以理機務僧伽羅者斯其人矣夢察禍機感應天馬忠以諫主智足謀身曆運在茲惟新成詠衆庶樂推尊立之爲王僧伽羅辭不獲免允執其中恭揖群官遂即王位於是公革前弊表式賢良乃下令曰吾先商侶在羅刹國死生莫測善惡不分今將救難宜整兵甲極危恤患國之福也收珍藏寶國之利也於是治兵浮海而往時鐵城上凶幢遂動諸羅刹女覩而惶怖便縱妖媚出迎誘誑王素知其詐令諸兵士口誦神呪身奮武威諸羅刹女墮墮退敗或逃隱海島或沉溺洪流於是毀鐵城破鐵牢救得商人多獲珍寶招募黎庶遷居寶洲建都築邑遂有國焉因以

王名而爲國号僧伽羅者則釋迦如來本生之事也

僧伽羅國先時唯宗淫祀佛去世後第一百年無憂王弟摩醯因陀羅捨離欲愛志求聖果得六神通具八解脫足步虛空來遊此國弘宣正法流布遺教自茲已降風俗淳信伽藍百所僧徒二萬餘人遵行大乘上座部法佛教至後二百餘年各擅專門分成二部一曰摩訶毘訶羅住部併大乘習小教二曰阿跋耶祇釐住部學兼二乘弘演三藏僧徒乃戒行貞潔定慧凝明儀範可師濟濟如也

王宮側有佛牙精舍高數百尺瑩以殊珍飾之奇寶精舍上建表柱置鉢臺摩羅伽大寶寶光赫奕聯暉照曜晝夜遠望爛若明星王以佛牙日三灌洗香水香末或濯或焚務極珍奇式修供養

僧伽羅國古之師子國又曰無憂國即南印度其地多奇寶又名曰寶渚昔釋迦牟尼佛化身

名僧伽羅諸德兼備國人推尊為王故國亦以僧伽羅為号也以大神通力破大鐵城滅羅刹女拯恤危難於是建都築邑化導是方宣流正教示寂留牙在于茲土金剛堅固歷劫不壞寶光遙燭如星粲空如月炫宵如太陽麗晝凡有禱禳應答如響國有凶荒灾異精意懇祈靈祥隨至今之錫蘭山即古之僧伽羅國也王宮側有佛牙精舍飾以衆寶輝光赫奕累世相承敬禮不衰今國王阿烈苦柰兒鎖里人也崇祀外道不敬佛法暴虐兇悖靡恤國人穢慢佛牙

大明永樂三年

皇帝遣中使太監鄭和奉香花往詣彼國供養鄭和勸國王阿烈苦柰兒敬崇佛教遠離外道王怒即欲加害鄭和知其謀遂去後復遣鄭和往賜諸番并賜錫蘭山國王王益慢不恭欲圖害使者用兵五萬人刊木塞道分兵以劫海舟會其下預泄其機鄭和等覺亟回舟路已阨絕潛遣人出舟師拒之和以兵三千夜由間道攻

入王城守之其劫海舟番兵乃與其國內番兵四面來攻合圍數重攻戰六日和等執其王凌晨開門伐木取道且戰且行凡二十餘里抵暮始達舟當就禮請佛牙至舟靈異非常光彩照曜如前所云竄霆震驚遠見隱避歷涉巨海凡數十萬里風濤不驚如履平地獰龍惡魚紛出乎前恬不為害舟中之人皆安穩快樂永樂九年七月初九日至京師

皇帝命於

皇城內莊嚴旃檀金剛寶座貯之式修供養利益有情祈福民庶作無量功德

佛牙精舍側有小精舍亦以衆寶而為瑩飾中有金佛像此國先王等身而鑄肉髻則貴寶飾焉其後有盜伺欲竊取而重門周檻衛守清切盜乃鑿通孔道入精舍而穴之遂欲取寶像漸高遠其盜既不果求退而歎曰如來在昔修善薩行起廣大心數弘誓願上自身命下至國城悲愍四生周給一切今者如何遺像恪寶靜言

於此不明昔行像乃俯首而授寶焉是盜得已尋持貨賣人或見者咸謂之曰此寶乃先王金佛像頂髻寶也从何獲來此鬻賣遂擒以白王王問所從得盜曰佛自與我我非盜也王以為不誠命使觀驗像猶俯首王覩聖靈信心淳固不罪其人重贖其實莊嚴像髻重置頂焉像因俯首以至於今

王宮側建大厨日營万八千僧食食時既至僧徒持鉢受饌既得食已各還其居自佛教流被建斯供養子孫承統繼業至今十數年來國中政亂未有定主乃廢斯業

國濱海隅地產珍寶王親祠祭神呈奇貨都人士子往來求採稱其福報所獲不同隨得珠璣賦稅有科

國東南隅有駿勒_支迦山巖谷幽峻神鬼遊舍在昔如來於此說駿迦經舊日楞伽經說也國南浮海數千里至那羅智羅洲洲人卑小長餘三尺人身鳥喙既無穀稼唯食椰子那

羅曷羅洲西浮海數千里孤島東崖有石佛像高百餘尺東面坐以月愛珠爲肉髻月將迴照水即懸流滂霈崖嶺臨注谿壑時有商船遭風飄浪隨波泛濫遂至孤島海鹹不可以飲渴乏者久之是時月十五日也像頂流水衆皆獲濟以爲至誠所感靈聖極之於即

留停遂經數日每月隱高巖其水不流時商主曰未必爲濟我曹而流水也嘗聞月愛珠月光照即水流注耳將非佛像頂上有此寶耶遂登崖而視之乃以月愛珠爲像肉髻當見其人說其始末國西浮海數千里至大寶洲無人居止唯神棲宅靜夜遙望光燭山川商人往之者多矣處無所得自達羅毗荼國北入林野中歷孤城過小邑凶人結黨作害羈旅行二千餘里至恭建那補羅國南印度恭建那補羅國周五千餘里國大都城周三十餘里土地膏腴稼穡滋盛氣序溫暑俗風躁烈形貌黧黑情性獷暴好學業尚德藝伽

藍百餘所僧徒万餘人大小二乘兼功綜習天祠數百異道雜居

王宮城側有大伽藍僧徒三百餘人寔唯俊彥也伽藍大精舍高百餘尺中有一切義成太子寶冠高減二尺飾以寶珍盛以寶函每至齋日出置高座香花供養時放光明

城側大伽藍中有精舍高五十餘天中有刻檀慈氏菩薩像高十餘尺或至齋日神光照燭是聞二百億羅漢之所造也

城北不遠有多羅樹林周三十餘里其葉長廣其色光潤諸國書寫莫不採用林中有窣堵波是過去四佛坐及經行遺迹之所其側

則有聞二百億羅漢遺身舍利窣堵波也

城東不遠有窣堵波基已傾陷餘高三丈聞諸先志曰此中有如來舍利或至齋日時燭靈光在昔如來於此說法現神通力度諸群生城西南不遠有窣堵波高百餘尺無憂王之所建也是聞二百億羅漢於此現大神通

化度衆生傍有伽藍唯餘基址是彼羅漢之所建也從此西北入大林野猛獸暴害群盜凶殘行二千四五百里至摩訶刺侘國南印度境

摩訶刺侘國周六千餘里國大都城西臨大河三十餘里土地沃壤稼穡盛氣序溫暑風俗淳質其形偉夭其性傲逸有恩必報

有怨必復人或凌辱殉命以讐奢急投分忘身以濟將復怨也必先告之各被堅甲然後

爭鋒臨陣逐北不殺已降兵將失利無所刑罰賜之女服感激自死國養勇士有數百人每將波戰飲酒酣醉一人推鋒万夫挫銃遇人肆害國刑不加每出遊行擊鼓前導復飲暴象凡數百頭將欲陣戰亦先飲酒群馳蹈踐前無堅敵其王恃此人象輕陵隣國王刹帝利種也名補羅誓舍謀猷弘遠仁慈廣被臣下事之盡其忠矣今戒日大王東征西伐遠賓途肅唯此國人獨不臣伏屢率五印度甲兵及募召諸國烈將躬往討伐猶未克勝

其兵也如此其俗也如彼人知好學邪正兼崇伽藍百餘所僧徒五千餘人大小二乘兼功綜習天祠百數異道甚多

大城內外五窣堵波並過去四佛坐及經行遺迹之所無憂王建也自餘石軛諸窣堵波其數甚多難用備舉

城南不遠有故伽藍中有觀自在菩薩石像靈鑒潛被願求多果

國東境有大山疊嶺連嶂重巒絕巘爰有伽藍基于幽谷高堂邃宇疏崖枕峯重閣層臺背巖面壑阿折羅唐言阿羅漢所建羅漢西印度人也其母既終觀生何趣見於此國受

女人身羅漢遂來至此將欲導化隨機攝受入里乞食至母生家女子持食來施乳便流汁親屬旣見以爲不祥羅漢說本因緣女子便證聖果羅漢感生育之恩懷業緣之致將酬厚德建此伽藍伽藍大精舍高百餘尺中

有石佛像高七十餘尺上有石蓋七重虛懸

無綴蓋間相去各三尺餘聞諸先志曰斯乃羅漢願力之所持也或曰神通之力或曰藥術之功考厥實錄未詳其致精舍四周雕鏤石壁作如來在昔修菩薩行諸因地事證聖果之楨祥入寂滅之靈應巨細無遺備盡鐫鏤伽藍門外南北左右各一石象聞之士俗

曰此象時大聲吼地爲震動昔陳那菩薩多止此伽藍自此西行千餘里渡耐秣陀河至

跋祿羯呾昌葉反婆國南印度境

跋祿羯呾婆國周二千四五百里國大都城周二十餘里土地鹹鹵草木稀疎煮海爲鹽利海爲業氣序暑熱迴風颶起土俗澆薄人性詭詐不知學藝邪正兼信伽藍十餘所僧徒三百餘人習學大乘上座部法天祠十餘所異道雜居從此西北行二千餘里至摩臘

婆國即南羅之國

摩臘婆國周六千餘里國大都城周三十餘里據莫訶河東南土地膏腴稼穡殷盛草木

榮茂花果繁實特宜宿麥多食餅麩人性善順大抵聰敏言辭雅亮學藝優深五印度境兩國重學西南摩臘婆國東北摩揭陀國貴德尚仁明敏強學而此國也邪正雜信伽藍數百所僧徒二萬餘人習學小乘正量部法天祠數百異道寔衆多是塗灰之侶也國志

曰六十年前王号戶羅阿迭多唐言戒日機慧高明才學贍敏愛育四生敬崇三寶始自誕靈洎乎沒齒貌無瞋色手不害生象馬飲水瀧而後飲恐傷水性也其仁慈如此在位五十餘年野獸狎人舉國黎庶咸不殺害居宮之側建立精舍窮諸工巧備盡莊嚴中作七佛坐尊之像每歲恒設無遮大會招集四方僧徒修施四事供養或以三衣道具或以七寶珍奇奔走相承美業無替

大城西北二十餘里至婆羅門邑傍有陷坑秋夏漣滯弥淹旬日雖納衆流而無積水其傍又建小窣堵波聞諸先志曰昔者大慢婆

羅門生身陷入地獄之處昔此邑中有婆羅門生知博物學冠時彥內外典籍究極幽微曆數玄文若視諸掌風範清高令聞遐被王甚珍敬國人宗重門人千數味道欽風每而言曰吾爲出世聖道凡先賢後哲無與我比彼大自在天婆數天那羅延天佛世尊者人皆風靡祖述其道莫不圖形競修祇敬我今德踰於彼名擅於時不有所異其何以顯遂用赤栴檀刻作大自在天婆數天那羅延天佛世尊等像爲座四足凡有所至負以自隨其慢傲也如此時西印度有苾芻跋陀羅樓支唐言賢愛妙極因明深窮異論道風淳粹戒香郁烈少欲知足無求於物聞而歎曰惜哉時無人矣令彼愚夫敢行凶德於是荷錫遠遊來至此國以其宿心具白於王王見弊服心未之敬然高其志強爲之禮遂設論座告婆羅門婆羅門聞而笑曰彼何人斯敢懷此志命其徒屬來就論場數百千衆前後侍聽

十二

賢愛服弊故衣敷草而坐彼婆羅門踞所持座非斥正法敷述罪宗苾芻清辯若流循環往復婆羅門久而謝屈王乃謂曰久濫虛名罔上惑衆先典有記論負當戮欲燒鑪鐵令其坐上婆羅門窘迫乃歸命求救賢愛愍之乃請王曰大王仁化遠洽頌聲載途當布慈育勿行殘酷恕其不逮唯所去就王令乘驢遍告城邑婆羅門恥其戮辱發憤歐血苾芻聞已往慰之曰余學苞内外聲聞遐迩榮辱之事進退當明夫名者何實乎婆羅門憤恚深詈苾芻謗毀大乘輕懶先聖言聲未靜地便坼裂生身墜陷遺迹斯在自此西南入海交西北行二千四五百里至阿吒釐國南印度境阿吒釐國周六千餘里國大都城周二十餘里居人殷盛珍寶盈積稼穡雖備興販爲業土地沙鹵花果稀少出胡椒樹樹葉若蜀椒也出薰陸香樹樹葉若棠梨也氣序熱多風埃人性澆薄貴財賤德文字語言儀形法則

大同摩臘婆國多不信福縱有信者宗事天
神祠館千餘所異道雜居從摩臘婆國西北
行三百里至契吒國南印度境

契吒國周三千餘里國大都城周二十餘里
人戶殷盛家室富饒無大君長役屬摩臘婆
國風土物產遂同其俗伽藍十餘所僧徒千

十三

餘人大小二乘兼功習學天祠數十外道衆

多從此北行千餘里至伐臘毗國即北華國南印度境

伐臘毗國周六千餘里國大都城周三十餘
里土地所產氣序所宜風俗人性同摩臘婆
國居人殷盛家室富饒積財百億者乃有百
餘室矣遠方奇貨多聚其國伽藍百餘所僧
徒六千餘人多學小乘正量部法天祠數百
異道寔多如來在世屢遊此國故無憂王於
佛所止皆樹旌表建窣堵波過去三佛坐及
經行說法之處遺迹相間今王刹帝利種也
即皆摩臘婆國尸羅阿迭多王之姪今羯若
鞠闍國尸羅阿迭多王之子號杜魯婆跋

托唐言當象情性躁急智謀淺近然而淳信三寶
歲設大會七日以殊珍上味供養僧衆三衣
醫藥之價七寶奇貴之珍既以揔施倍價酬
贖貴德尚賢尊道重學遠方高僧特加禮敬
去城不遠有大伽藍阿折羅阿羅漢之所建
立德慧堅慧善薩之所遊止於中制論並盛

流布自此西北行七百餘里至阿難陀補羅

國印度西印

阿難陀補羅國周二千餘里國大都城周二
十餘里人戶殷盛家室富饒無大君長役屬
摩臘婆國土宜氣序文字法則遂亦同焉伽
藍十餘所僧徒減千人習學小乘正量部法
天祠數十異道雜居從伐臘毗國西行五百
餘里至蘇刺侘國印度西印

蘇刺侘國周四千餘里國大都城周三十餘
里西據莫醯河居人殷盛家產富饒役屬伐
獵毗國地土鹹鹵花果稀少寒暑雖均風飄
不靜土俗澆薄人性輕躁不好學鑿邪正乘

信伽藍五十餘所僧徒三千餘人多學大乘上座部法天祠百餘所異道雜居國當西海之路人皆資海之利興販爲業賀遠有無去城不遠有郁都多山山頂有伽藍房宇廊廡多疏崖嶺林樹鬱茂泉流交境聖賢之所遊止靈仙之所集往從伐臘毗國北行千八百

十四

餘里至瞿折羅國

西印度境

瞿折羅國周五千餘里國大都城号毗羅摩羅周三十餘里土宜風俗同蘇刺侘國居人殷盛家產富饒多事外道少信佛法伽藍一

所僧百餘人習學小乘法教說一切有部天祠數十異道雜居王刹帝利種也年在弱冠

智勇高遠深信佛法高尚異能從此東南行

二千八百餘里至鄔闍衍那國

南印度境

鄔闍衍那國周六千餘里國大都城周三十餘里土宜風俗同蘇刺侘國居人殷盛家室

富饒伽藍數十所多以圯壞存者三五僧徒三百餘人大小二乘兼功習學天祠數十異

道雜居王婆羅門種也博覽邪書不信正法去城不遠有窣堵波無憂王作地獄之處從此東北行千餘里至擲枳陀國

南印度境

擲枳陀國周四千餘里國大都城周十五六里土稱沃壤稼穡滋植宜菽麥多花果氣序調暢人性善順多信外道少敬佛法伽藍數

十少有僧徒天祠十餘所外道千餘人王婆

羅門種也篤信三寶尊重有德諸方博達之士多集此國從此北行九百餘里至摩醯濕

伐羅補羅國

中印度境

摩醯濕伐羅補羅國周三千餘里國大都城周三十餘里土宜風俗同鄔闍衍那國宗教

十五

外道不信佛法天祠數十多是塗灰之侶王婆羅門種也不甚敬信佛法從此還至瞿折

羅國復北行荒野險磧經千九百餘里渡信

度大河至信度國

西印度境

信度國周七千餘里國大都城号毗婆娑補羅周三十餘里宜穀稼豐栗麥出金銀鏐石

宜牛羊驃駝驃畜之屬驃駝卑小唯有一峯多出赤鹽色如赤石白鹽黑鹽及白石鹽等異域遠方以之爲藥人性剛烈而質直數聞諱多講議學不好博深信佛法伽藍數百所僧徒万餘人並學小乘正量部法大抵懈怠性行弊穢其有精勤賢善之徒獨處閑寂遠

迹山林夙夜匪懈多證聖果天祠三十餘所異道雜居王成陀羅種也性淳質敬佛法如來在昔頗遊此國故無憂王於聖迹處建窣堵波數十所烏波鞠多大阿羅漢屢遊此國演法開導所止之處皆旌遺迹或建僧伽藍或樹窣堵波往往間起可略而言

信度河側千餘里陂澤間有數百千戶於此宅居其性剛烈唯殺是務牧牛自活無所係命若男若女無貴無賤剃鬚髮服袈裟像類苾芻而行俗事專執小兒非斥大乘聞諸先志曰昔此地民庶安忍但事凶殘時有羅漢愍其顛墮爲化彼故乘虛而來現大神通示

希有事令衆信受漸導言教諸人敬悅願奉指誨羅漢知衆心順爲授三歸息其凶暴衆斷殺生剃髮染衣恭行法教年代漫遠世易時移守善旣虧餘風不殄雖服法衣嘗無戒善子孫奔世習以成俗從此東行九百餘里渡信度河東岸至茂羅三部盧國西印境

茂羅三部盧國周四千餘里國大都城周三十餘里居人殷盛家室富饒役屬磔迦國土田良沃氣序調順風俗質直好學尚德多事天神少信佛法伽藍十餘所多已圯壞少有僧徒學無專習天祠八所異道雜居有日天祠莊嚴甚麗其日天像鑄以黃金飾以奇寶

十六

靈鑒幽通神功潛被女樂通奏明炬繼日香花供養初無廢絕五印度國諸王豪族莫不於此捨施珍寶建立福舍以飲食醫藥給濟貧病諸國之人來此求願常有千數天祠四周池沼花林甚可遊賞從此東北行七百餘里至鉢伐多國北印慶境

鉢伐多國周五千餘里國大都城周二十餘里居人殷盛役屬磔迦國多旱稻宜菽麥氣序調適風俗質直人性躁急言含鄙辭學藝深博邪正雜信伽藍十餘所僧徒千餘人大小二乘兼功習學四窣堵波無憂王之所建也天祠二十異道雜居城側有大伽藍僧徒百餘人並學大乘教即是昔慎那弗呾羅唐言

最勝子論師於此製瑜伽師地釋論亦是賢愛論師德光論師本出家處此大伽藍爲天火所燒摧殘荒圯從信度國西南行千五六百里至阿點婆翅羅國西印度境

阿點婆翅羅國周五千餘里國大都城号竭

麟濕伐羅周三十餘里僻在西境臨信度河隣大海濱屋宇莊嚴多有珍寶近無君長統屬信度國地下濕土斤鹵穢草荒茂疇龍少堅穀稼雖備菽麥特豐氣序微寒風颶勁烈宜牛羊驥駝驥畜之類人性暴急不好習學語言微異中印度其俗淳質敬崇三寶伽藍

八十餘所僧徒五千餘人多學小乘正量部法天祠十所多是塗灰外道之所居止城中有自在天祠祠宇彫飾天像靈鑒塗灰外道遊舍其中在昔如來頗遊此國說法度人導凡利俗故無憂王於聖迹興建六窣堵波焉從此西行減二千里至狼揭羅國西印度境

狼揭羅國東西南北各數千里國大都城周三十餘里号窣菟黎濕伐羅土地沃潤稼穡滋盛氣序風俗同阿點婆翅羅國居人殷盛多諸珍寶臨大海瀆入西女國之路也無大君長據川自立不相承命役屬波刺斯國文字大同印度語言少異邪正兼信伽藍百餘所僧徒六千餘人大小二乘兼功習學天祠數百所塗灰外道其徒極衆城中有自在天祠莊嚴壯麗塗灰外道之所宗事自此西北至波刺斯國雖非印度之國路次附見舊曰波斯略也

波刺斯國周數万里國大都城号蘇刺薩儻那周四十餘里川土既多氣序亦異大抵溫

也引水爲田人戶富饒出金銀鉢石頗脹水精奇珍異寶工織大錦細褐軀能之類多善馬驥駝貨用大銀錢人性躁暴俗無禮義文字語言異於諸國無學藝多工伎凡諸造作隣境所重婚姻雜亂死多棄屍其形偉大齊髮露頭衣皮褐服錦疋戶課賦稅人四銀錢天祠甚多提那跋外道之徒爲所宗也伽藍二三僧徒數百並學小乘教說一切有部法釋迦佛鉢在此王宮國東境有鶴秣城內城不廣外郭周六十餘里居人衆家產富西北接拂懔國境壤風俗同波刺斯形貌語言稍有乖異多珍寶亦富饒也拂懔國西南海島有西女國皆是女人略無男子多諸珍寶貨附拂懔國故拂懔王歲遣丈夫配焉其俗產男皆不舉也自阿點婆翅羅國北行七百餘里至臂多勢羅國

西印

十八

沙鹵寒風凜勁多菽麥少花果而風俗儼暴語異中印度不好藝術然知淳信伽藍五十餘所僧徒三千餘人並學小乘正量部法天祠二十餘所並塗灰外道也城北十五六里大林中有窣堵波高數百尺無憂王所建也中有舍利時放光明是如來昔作仙人爲國王所害之處此東不遠有故伽藍是昔大迦多延那大阿羅漢之所建立其傍則有過去四佛坐及經行遺迹之處建窣堵波以爲旌表從此東北行三百餘里至阿章茶國西印
麥境阿章茶國周二千四五百里國大都城周二十餘里無大君長役屬信度國土宜稼穡菽麥特豐花果少草木疎氣序風寒人性儼烈言辭朴質不尚學業然於三寶守心淳信伽藍二十餘所僧徒二千餘人多學小乘正量部法天祠五所並塗灰外道也城東北不遠臂多勢羅國周三千餘里國大都城周二十餘里居人殷盛無大君長役屬信度國土地

唐言

苾芻著亟縛屣唐言傍有窣堵波無憂王所

建也基雖傾陷尚高百餘尺其傍精舍有青石立佛像每至齋日或放神光次南八百餘步林中有窣堵波無憂王之所建也如來昔日止此夜寒乃以三衣重覆至明旦開諸苾

大諸國希種隣境所寶復此西北踰大山涉廣川歷小城邑行二千餘里出印度境至漕矩吒國亦謂漕和國

芻著複納衣此林之中有佛經行之處又有諸窣堵波鱗次相望並過去四佛坐處也其

窣堵波中有如來髮爪每至齋日多放光明從此東北行九百餘里至伐刺擎國西印度

伐刺擎國周四千餘里國大都城周二十餘里居人穀盛役屬迦畢試國地多山林稼穡時播氣序微寒風俗獵烈性忍暴志鄙弊語言少同中印度耶正象崇不好學藝伽藍數

十荒圯已多僧徒三百餘人並學大乘法教天祠五所多塗灰外道也城南不遠有故伽藍如來在昔於此說法示教利喜開悟含生其側有過去四佛坐及經行遺迹之處聞諸土俗曰從此國西接贊畫那國居大山川間別立主無大君長多羊馬有善馬者其形殊

大唐西域記卷第十一

卷第十一

大唐西域記卷第十二

三藏法師玄奘奉 詔譯

大捨持寺沙門辯機撰

二十二國

漕矩吒國

弗栗恃薩儻那國

安咀羅縛國

闍悉多國

活國

普健國

阿利尼國

曷邏胡國

訖栗瑟摩國

鉢利曷國

嚙摩呾羅國

鉢鐸創那國

溼薄健國

屈居勿浪擊國

達摩悉鐵帝國

尸棄尼國